

**Zeitschrift:** Le nouveau conteur vaudois et romand  
**Band:** 93 (1966)  
**Heft:** 11-12

**Artikel:** Anivèrseiro de dou ieu  
**Autor:** Défago, Adolphe  
**DOI:** <https://doi.org/10.5169/seals-234286>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 29.03.2025

**ETH-Bibliothek Zürich, E-Periodica, <https://www.e-periodica.ch>**



### Anivèrseiro de dou ieu

Zidore, 80 an, et Nathalie, du mèmo âdzo. Asséton l'on de couté l'âtro, sont ein trein de discutâ :

*Zidore* (énèrvo). — A-to pas d'abo tsavouno de dsavetâ avoui té piouté ?<sup>1</sup> Kemeinche d'abo à m'énèrvâ, tepegnasse !

*Nathalie*. — Lé mou rematreice<sup>2</sup> ke me tsincagnon. Fi pas bon venin ieu ! Et te, musé to ke lé on plizei de restâ de couté oun'homo ke rote kemein noutra bourare (baratte) kan fiso le bouéro ! Tepegnou ke té...

*Zidore*. — Et te, kan te ronsshé<sup>3</sup> le nuit u lyi<sup>4</sup> kemein na bornéta on dzeu d'oura. On poeu preu s'énèrvâ kan on enteïn c'ta mouesika ke ceïn veu baze su lou nè<sup>5</sup>. Sara d'abo contreïn d'allâ dremïn<sup>6</sup> u degneu po évouétâ cé potin !

*Nathalie*. — Te faré bin de la ialâ lou dzeu ke t'areivé cheu<sup>7</sup> la demeidze bin on dzeu de fare<sup>8</sup>. Lé-te pas na pouernichion de restâ de couté on brâméré<sup>9</sup>. Et pi, t'a pas ito todzeu tant sshato<sup>10</sup> avoui me tavoui !...

*Zidore*. — Vâ, pa preu, de lé vouârbé. mé, te, t'a pas ito todzeu tant izeuza<sup>11</sup> à suportâ ! Et pi, sshou<sup>12</sup> ta gordze !

*(On frappe. Arrive le président de commune.)*

*Le président*. — Bon dzeu à toué dou ! Venio un nion de la kemouna veu z'a-pourtâ à tsâkon de veu dou n'escabé<sup>13</sup> po fêtâ voutrou 80 an. Veu z'a ito dé modélo d'épeu<sup>14</sup>, todzeu tant d'acco toué dou ! Ceïn me fi plisei de veu vère asséton l'on de couté l'âtro ein trein d'assuro de rou-

coulâ kemein u premi tein de voutra jeunesse, pas vri ?

*Zidore*. — Lé bin vri ke lou premi tein, on ava bin du bounhieu !

*Nathalie*. — Ah ! le jeunesse, kin bon tein !...

*Le président*. — Tenin veu bin dzeuieu kemein à 20 an et ein bouna santé !

*Zidore*. — Méchi tan, président. Ma bouna Nathalie et me neu neu z'eïn seveïdron gran tein de cé biau dzeu !

*Nathalie*. — Oh ! vâ, on bin biau dzeu !...

*Adolphe Défago.*

<sup>1</sup> Jambes ; <sup>2</sup> rhumatisme ; <sup>3</sup> ronfle ; <sup>4</sup> lit ; <sup>5</sup> nerfs ; <sup>6</sup> dormir ; <sup>7</sup> saoul ; <sup>8</sup> foire ; <sup>9</sup> braillard ; <sup>10</sup> doux ; <sup>11</sup> plaisante ; <sup>12</sup> ferme ta bouche ; <sup>13</sup> fauteuil ; <sup>14</sup> époux.

### Trigande et Trigale<sup>1</sup>

Ora oun derey qu'é crouè vignon u moundo ato de ski. Chon pâ echui d'arr' éj'orelle qu'oun é vey figâ e choeutâ coume de rotse parcho'e piste, méi èsto quyè de tsamot.

E meynâ de stoeuj'an pachâ y aan tou-pari quâquyè spô ; youn di méi cugnu îre che quyè dejan : bayè e trigande.

I méi incro d'a cobla partie déan ej'âtro ; i djoà ire d'aâ ën ch'agretsin p'é pont di grandze, p'é péirre, p'é contsan e e planette di garni, de choeutâ a traëi di cosse e d'arrouâ tanquyè de âtre di béi du veâdzo chin trutschyè terra ; bin chouëi qu'iron to graffenâ, etrachyâ,